

根本善計。遠道來古。籌措基金。任事熱心。尤足欽佩。深望諸君廣爲勸募。早慶成功。

(一)欲謀農商實業發達。全恃經濟流通。金融週轉。端在銀行。是以商務一道。與銀行尤屬相關至切。凡各國商業繁盛之區。無不銀行林立。古巴華僑。七八萬人。大小商店。不止數百餘間。各種營業皆備。惟華人自設之銀行。尙付缺如。深滋可惜。今幸僑界泰斗。鍾仲芴君。獨見及此。創設東方銀行。已在國內開辦多處。辦法完善。信譽昭彰。復爲輔助海外商務起見。並將在此間開設分行。便利華商。裨益僑衆。實非淺鮮。諸君若能一致進行。共同贊助。將見經濟之權。操之在我。前途發達。可以預期。

以上二端。一則振興農務。培育人才。一則週轉金融。發展商業。均爲當今急務。救國良圖。深盼諸君羣策羣力。急起直追。則海內外農商各業之蒸蒸日上。不難翹足而待。鄙人實有厚望焉。

### 中華總會館開歡迎會紀盛

中華總會館。于禮拜日九號下午一旬鐘。備設茶會。歡迎嶺南大學籌款

專員鍾榮光謝超傑兩先生。及銀業大家鍾仲芄區永篤周文波諸先生。而副領事孫慕唐先生。下車伊始。尤加表示歡迎。時至一點。各先生一齊蒞止。由總理及各職員恭迎入座。暫事休息。即搖鈴開會。先由蔣總理宣佈歡迎理由。次由鍾榮光先生登壇道謝僑界歡迎盛意。及宣布嶺南大學之經過。與拓展農科大學之必要。洋洋數千言。全座皆大鼓掌。其餘各位先生。亦次第登台致謝。發揮偉論。娓娓動聽。每次演畢。皆掌聲雷動。直演至四句鐘後。乃開茶會。暢敘一堂。非常歡洽。聞是日各界之赴會者甚衆。座無餘隙。洵向來未有之盛舉。茶會之後。又開職員會議。磋商捐款協助嶺南農學事宜。議畢。至六點半鐘。復由鍾仲芄，蔣修身。陳丁如。蔣北斗。諸先生。大設筵讌。爲鍾榮光先生洗塵。並邀請官商社團各界多人。一齊赴讌。以叙桑梓之情云。

### 中華會館集議捐助嶺南農科大學之情形

昨九號中華會館開茶會歡迎鍾榮光各先生後。即開全體職員會議。討論捐助嶺南農科大學捐款事宜。先由總理蔣修身提議對於捐助嶺南農學之必要。及提出應助款若干。請衆研究。隨由黃仲和先生起立發言。謂教